

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
*Mandatno-imunitetska komisija/
Mandatno-imunitetsko povjerenstvo*

Broj: 01/9-02-471/24-1
Sarajevo, 04.03.2024. godine

**PREDSTAVNIČKOM DOMU
PARLAMENTA FEDERACIJE BIH**

Mandatno-imunitetska komisija Predstavničkog doma Parlamenta Federacije Bosne i Hercegovine na 6.sjednici, održanoj 04.03.2024. godine, razmatrala je:

1. **Verifikacija mandata zastupnici Leko Franki**
2. **Informacija o statusu zastupnika Halila Bajramovića**
3. **Informaciju o statusu zastupnika Fadila Novalića**

U skladu s članom 44. stavkom (2) a u vezi sa članom 65. Poslovnika Predstavničkog doma Parlamenta Federacije Bosne i Hercegovine, Komisija podnosi Domu sljedeći:

IZVJEŠTAJ

AD-1 Verifikacija mandata Leko Franki

Centralna izborna komisija Bosne i Hercegovine dostavila je Predstavničkom domu Parlamenta Federacije Bosne i Hercegovine dana 28.02.2024. godine Odluku o prestanku mandata i dodjeli mandata sljedećem kvalificiranom kandidatu, kojom se:

Vincetić Ivi, zastupniku u Predstavničkom domu Parlamenta Federacije Bosne i Hercegovine, izabranom na Općim izborima 2022. godine sa liste političkog subjekta HDZ BiH, HSSSR, HSS, HSP BiH, HKDU, HDU, HSPHB, HRAST, HNL, za dodjelu kompenzacijskih mandata, utvrđuje prestanak mandata s danom podnošenja ostavke na mandat zastupnika u Predstavničkom domu Parlamenta Federacije Bosne i Hercegovine, sa danom 02.02.2024. godine.

S tim u vezi, postupajući po odredbama člana 1.10. stava (1) tačke 1. i stava (2), člana 2.9.stava (1) tačke 14. te člana 10.8.stava (2) Izbornog zakona Bosne i Hercegovine, Centralna izborna komisija BIH je mandat zastupnika u Predstavničkom domu dodijelila:

Prkačin Đuri, sljedećem kvalificiranom kandidatu sa liste političkog subjekta HDZ BiH, HSSSR, HSS, HSP BiH, HKDU, HDU, HSPHB, HRAST, HNL, za dodjelu kompenzacijskih mandata.

Centralna izborna komisija Bosne i Hercegovine je dana 07.02.2024. godine donijelo Odluku o prestanku mandata zastupnika Vincetić Ive i dodjeli mandata Prkačin Đuri, i dostavilo je istu Prkačin Đuri zajedno sa izjavom o prihvatanju/ odbijanju mandata. Kandidat **Prkačin Đuro se izjasnio da odbija prihvatiti mandat zastupnika u Predstavničkom domu Parlamenta Federacije Bosne i Hercegovine.**

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ
Мандатно-имунитетска комисија

Bosna i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 04-03-2024			
Org. jed.	Broj	Priloga	Vrijednost

Uzimajući u obzir naprijed navedeno, postupajući po odredbama člana 10.8 stav (2), člana 1.3a stav (3), člana 4.20 Izbornog zakona Bosne i Hercegovine, Centralna izborna komisija BiH je, na sjednici održanoj 15.02.2024. godine, donijela Odluku o dodjeli mandata sljedećem kvalificiranom kandidatu u Predstavničkom domu i mandat dodijelila:

Leko Franki, sljedećem kvalificiranom kandidatu sa liste političkog subjekta, sa liste političkog subjekta HDZ BiH, HSSSR, HSS, HSP BiH, HKDU, HDU, HSPHB, HRAST, HNL za dodjelu kompenzacijskih mandata.

Uzimajući u obzir naprijed navedeno, Mandatno-imunitetska komisija predlaže Predstavničkom domu Parlamenta Federacije Bosne i Hercegovine da verifikuje mandat zastupnici **Leko Franki**.

AD-2 Informacija o statusu zastupnika Halila Bajramovića

Pod ovom tačkom dnevnoga reda Mandatno-imunitetska komisija je razmatrala Odluku o prestanku mandata zastupnika Halila Bajramovića, koju je Centralna izborna komisija Zastupničkom domu Parlamenta Federacije Bosne i Hercegovine dostavila dana 21.02.2024.godine, kojom se potvrđuje prestanak mandata zastupnika Halila Bajramovića sa danom 8.11.2023.godine, te da će se po pravosnažnosti ove odluke dodijeliti mandat sljedećem kvalificiranom kandidatu sa liste političkog subjekta **POVJERENJE! (NAROD I PRAVDA, SPU BIH)** za dodjelu kompenzacijskih mandata.

S obzirom da Centralna izborna komisija još nije dostavila Predstavničkom domu Parlamenta Federacije Bosne i Hercegovine Odluku o dodjeli mandata sljedećem kvalificiranom kandidatu niti je Odluka o prestanku mandata Halila Bajramovića pravosnažna, Mandatno-imunitetska komisija je donijela **Zaključak da** dalje postupanje u vezi prestanka mandata zastupnika Halila Bajramovića i verifikacije mandata sljedećem kvalificiranom zastupniku bude određeno nakon pravosnažnosti Odluke Centralne izborne komisije i dodjele mandata sljedećem kandidatu.

AD-3 Informacija o statusu zastupnika Fadila Novalića

Predsjedavajuća Predstavničkog doma Parlamenta FBiH gđa. Mirjana Marinković-Lepić je aktom broj: 01-02-366/23 od 31.01.2024. godine zatražila od Mandatno-imunitetske komisije da razmotri medijske natpise i njihovu tačnost, te pitanje prestanka mandata zastupnika Fadila Novalića, s obzirom na činjenicu da su mediji objavili informaciju da je zastupnik Novalić pravosnažno osuđen na kaznu zatvora u trajanju od četiri godine.

Dana 08.02.2024. godine Centralna izborna komisija je dostavila Obavijest Predstavničkom domu, broj: 06-1-07-1-98-2/24 kako je pokrenula postupke utvrđivanja činjenica i odgovornosti tri zastupnika Predstavničkog doma, između ostalih i Fadila Novalića.

Centralna izborna komisija je 21.02.2024. godine dostavila Parlamentu Federacije BiH, na znanje, akt broj: 06-1-07-1-26/24 od 19.02.2024. godine sa Odlukom o prestanku mandata zastupniku Fadilu Novaliću. Ovim aktom se, na temelju odredbi Izbornog zakona Bosne i Hercegovine te Uputstva o dodjeli i prestanku mandata, utvrđuje prestanak mandata zastupnika Novalića sa danom 26.01.2024. godine, te će se po pravosnažnosti ove odluke dodijeliti mandat sljedećem kvalificiranom kandidatu sa liste istog političkog subjekta-Stranke demokratske akcije-SDA.

S obzirom da Centralna izborna komisija još nije dostavila Predstavničkom domu Parlamenta Federacije Bosne i Hercegovine Odluku o dodjeli mandata sljedećem kvalificiranom kandidatu niti je Odluka o prestanku mandata Fadila Novalića pravosnažna, Mandatno-imunitetska komisija je donijela Zaključak da dalje postupanje u vezi prestanka mandata zastupnika Fadila Novalića i verifikacije mandata sljedećem kvalificiranom zastupniku bude određeno nakon pravosnažnosti Odluke Centralne izborne komisije i dodjele mandata sljedećem kandidatu.

U skladu s članom 53. Poslovnika, za izvjestioca je određen Hajrudin Žilić, predsjednik Mandatno-imunitetske komisije.

PREDSJEDNIK KOMISIJE

Hajrudin Žilić

